

Deo opt. max. uni & trino, Virgini Deiparae, & S. Lucae Orthodoxorum Medicorum Patrono. 1282

Q V Æ S T I O M E D I C A

QVODLIBETARIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS XIII DECEMBRIS.

M. GERMANO PREAVX Doctore Medico, Præside.

An ex capillis certum de temperamento iudicium.

UT temperamentorum varietatem admittere nihil in arte medendi certum magis, sic illorum discrimina definitosque gradus distinguere arduum nihil magis magisque vel recte medentibus difficile: Ex elementorum mixtione & unione, temperamenti ratio exurgit, at ea quam multiplex: in uno homine tot temperamentorum diversitates constituendae, quot partes numerandae; alia est temperies cordis, pulmonis, jecinoris, lienis, renum, carniū, alia ossis, nervi, arteriae, venae, membranae, cutis, glandularum; ex quibus licet nonnullae certa in qualitate conveniant, aliquo tamen gradu, qui definire nequeat, dissentire verissimum: Jam si ex ea singulari partium omnium temperie exurgat universalis necesse est, quanta ex ea miscelae ratione varietas. Cujus modum *ἡδονικὰ πείρα* dictum, si attingere posset medendi artifex, morborum eventus certo praenunciaret, remedia non minus certo admovere posset.

QUI in partium temperamenti stabilitur ordo ut ostentationis quam necessitatis plus habet, sic nec medico utilis est, quid enim ad medicum confert haec quaestio: sunt ne venae aut membranae ossibus rigidiores? utilius multo est temperamentum aliud agnoscere intemperatum, aliud temperatum, quod est intemperatum in infinitas excurrit differentias, quamvis octo nominibus tantum insigniri soleant: scilicet ex paucis numero litteris non magis infinita exurgunt vocabula, quam ex illis differentis innumeri temperamentorum modi: temperatum unius est tantum generis: temperamentum exacte temperatum quis inveniet? mentis est signum nec potest consistere: quod ad iustitiam dicitur, optabile est velut salutare, at quod perfectius eo minus durat: quaecumque fuerit temperamentum fluit semper, aetatum discrimina faciens, nec manere potest idem propter caloris innati & *ἡδονικὰ* & ciborum, substantiae effluviū reparantium, necessitatem; non inde tamen aegrotat homo, quia quod paulatim fit nullam naturae vim infert; porro ad temperamentum maxime conferunt semen, uterus, matris indoles, nutricis mores & affectus.

DIGNOSCENDORUM temperamentorum una non est via, tactus, non cuiuslibet indiscriminatum sed solius hominis temperati, alias certitudine vincit: in digitorum extremis exquisitis is est, qui temperamenti aequae conformationis soboles, consuetudinis usu perficitur & roboratur: hoc instrumento praecipuas temperamentorum differentias homo satis accurate discernit, minimas attingere impotens. Altera via est non minus princeps, in qua, ratiocinationis ope, rem exequitur, at non satis tuto si ab uno fonte hauriat, à florido faciei colore aut subflavo sanguinem aut bilem primas tenere, hepar debita beari temperie aut paulo calidius esse & siccus saepe concludit, ab albescente pituita, à nigricante melancholia dominari, at non semper ab his, ut nec à gracili & obeso, ab hirsuto & glabro corpore, sine aliorum consensu, certam eruet cognitionem. An ergo ex capillis, certe norma esset maxime fallax.

CAPILLORUM materiam suppediat fuliginosus humor, qui à cutis nutritione restat; hic per caecum iter effluens glutinis in modum ducitur, aerisque contactu induratur; in capillorum figura non semel observatum est foramen etiam sanguine opplerum, non explodendo longè argumento, eos nutrir, licet venae & arteriae eo non pertingant, quo modo radices capillae commutuantur; illorum copia & paucitas, durities & mollities, nigrities & flavedo, interdum statim ab ortu talis, ex facili quandoque mutatur variante materia; ubi multa appellat ad caput, copia sequitur capillorum, ubi paucitas; compacta nigritiem, tenuis flavedinem, mollis rectitudinem, dura, per cutis diverticula subiens, crispitudinem facit: An bene rem subduceret qui ex fuliginis naturā temperamentum totius definiret? paucitas, temperamenti laudabilis effectum, quot sunt qui laudant in muliere flavi capillitij, quot in muliere nigri? si capillos nigros, nigrosque oculos ad perfectam formam aliquis nunc exoptat, an pulchritudinem, temperamenti laudabilis effectum, quot sunt qui laudant in muliere flavi capillitij, quot in muliere nigri? si capillos nigros, nigrosque oculos ad perfectam formam aliquis nunc exoptat, antiquis aliter visum, qui Palladi caecos oculos flavosque capillos assignant, quid si Speciosus forma praefiliis hominum rufo perhibetur fuisse capillitio? quid si formosa virgo Mater, *ἡδονικὰ* appellata fuit? an pulchritudo sic variare posset quae eximium semper sequitur temperamentum? quid si momento quidam cani evasere quos pridie nigros Romanus cavisset? an tam cito pristinum temperamentum deponere datur? certe quantitas, color & figura capillorum, penuriam, copiam & rationem potius fuliginis arguit cuiusque dispositionem quam temperamentum.

NE itaque fidas capillis in exploranda temperie; siculneum est fundamentum & caducum; recense omnes temperamentorum differentias novem ad minus adscribuntur, an totidem in capillis differentias iis respondentes reperire est? in regionibus quibusdam pro ingenio soli & caeli uniusmodi habentur capilli, nigritae nigros, germani ut & omnes fere qui septentrionalem incolunt plagam, flavos obtinent, nec audeas tamen idem illis temperamentum assignare: juvenes immatura canitie conspicuos, senum temperiem obtinere merito quis definiret, ut senes nigrum servantes capillitium eodem ac juvenes frui temperamento; quid dicendum de iis quorum caput varij coloris & diversae formae coma vestit? Corporis unum est temperamentum, si hoc insigne mendolus sequaris, plura constitues: quin etiam animantia ejusdem speciei, licet & indole & temperie sibi proxima, mirum tamen quantum pilorum colore distinguantur; ab unico ejusmodi signo infida porfusus cognitio, alia plura concurrant necesse est.

Non ergo ex capillis certum de temperamento iudicium.

DOMINI DOCTORES DISPUTATVRI.

M. Petrus Yvelin.
M. Remundus Vaslet.
M. Gabriel Daquet.

M. Claudius Berger.
M. Claudius Biendiant.
M. Dominicus de Farcy.

M. Tuffanus Fontaine, Professor Regius.
M. Franciscus Pajor.
M. Claudius le Vasseur.

Proponebat Lutetiae IOANNES-BAPTISTA-RENATVS MOREAV, Parisinus, A.R.S.H. 1674.

